

皇清文穎續編

皇清文頴續編卷六十五

詩

五言古詩

聖駕三巡江浙詩

李因培

聖政法天行

皇心恤民隱明兩鑒斯遐吹萬行自近東南大和會
神臯富瓊蘊昔聞膏澤深今見鬱誠悃投懷籲

父母穆然啟嘉憫五年正軌遵百度式彝準下濟美

貺施大觀崇信敏蕩蕩天門開肅肅戒神軫

巽命如春風一昔徧封畛

孝禧日月麗

徽音金玉宣

春暉藹無垠壽域開八埏海淳福斯備天悠算方緜
我

皇養志孝合茲萬國歡玉食與

金與於心猶歆然錫類素已永行慶今彌延乘春陽

澤布

璇宮啟雲輶導行肅

天步尙膳怡

慈顏不聞空同游日侍娥臺前

重光期已諏元黜典斯舉

天聽豈我遐薄禋軫淮土供帳無驛騷除第固其所

上恐塵

慈懷兼恤吏靡鹽出

命倣先甲發倉輓旁午本非涸轍魚泳澤縱海浦嘉
祝

天心回時若協暘雨流屋占嘉麥吹笙叶華黍相與
快迎

鑾語聲滿塲圃

軒駕勤阪泉夏載厯塗山武奮文乃洽外輯內彌安
我

皇震天聲耆昧而取殘歸馬弓月壕結旌爵離關棧

威麟翰聳渥惠神人歡軸轉會

皇極漢疆若彈丸卽敘趨候館于邁翼

和鑾紛紜王會圖浩蕩靈臺觀義和爲弭轡揚彩衣
龍顏

首春順木德祥習協卜征霽雪融九野郊道飛塵清
彩旂煙飄揚玉軸雷砰訇嶽祇與川后夔跼

皇轍迎

堯心誠黃屋時向桑田停懃懃省耕典款款望

幸情百卉競陽景不隨風信榮大瀛豈益潤屢挹瀾
見盈

鹽筴利源滋廣陵商所萃阜財厯

舜謨流膏肆滂沛歡聲浹里閭引領睇

鳳蓋勿亟擬靈臺勝觀耀吳會璇題間玉英寶幄俯
松籟庶以芹曝獻匪直炫丹績

皇心鑒微忱

駐輦發恩賚觀風樂蕃庶訓俗遠倭泰相將淳熙登

萬族蒙保乂

飛仁遍淮壖展義越江岸金山屹巨防洪濤俯浩瀚
虎臣飭水犀杲日明組練伐鼓鼉鼉驚揚旗鶴鷺亂
我

皇振大武丹浦非樂戰持盈勞

睿懷詰戎秉

神算道之以尊親詎曰登勇悍禮成

信賞頒萬衆臚歡忭翹首祝

五雲祥光匝天漢

後旅昆陵道前旌已吳門旣觀閭閻盛復覩風俗敦
在昔奉

宸遊過化存者神樂茲詩書澤愼彼衣食源芳甸散
時雨嚴城曜朝暾蘭岫烟濛濛蘋洲水沄沄列肆無
改市于野不輟芸

帝暉一以照萬物含春溫飲和而熙熙並酌堯衢尊
先河矚榮光後海睨飛濤

堯咨素已切

禹載今更邀鹽官絡東溟勢扼龕赭父稽山隤美箭
聖水虛長菱我

皇建非常伐石期弗簪遂令蛟蜃窟屹爾金湯牢海
外占不揚

官中念彌勞

帝臨驅水若黃鱗戢其驕目下九地深掌羅八紘遙
衣袂有

至誠犀穹空復豪

物用咸若恬心緣媚茲競湖山振靈響爭迓

蒼龍乘遲日美載陽時和地彌勝樹交總翠垂花葆

紛紅映鮮飈渙瑤流明霞疊瓊磴貞觀寄邱壑化機

適翔泳蘭風吹禊春流觴徵逸詠在沼嫺文游于梁

協孔性穆然

茂對情展采布嘉令

山花捧

珮輿墜道凌風篁秀石矗天表勢若重雲翔潛祇仰
宸顧媚景開青陽過溪簪芳躅鑑水停陰岡明膏著
不流澹瀕含天光乘時驗龍德施澤周八荒佳薌靈
苗茁過雨抽旗槍微物況向榮

皇心欣阜昌井養符

至化勿幕疇能量

醲化被垓埏萬品荷甄綜含生盡懷仁況乃習絃誦
峩峩萬松岡圖史齊高棟執業來子衿親師藉磨礪

龍光賁幽巖

睿藻發天縱訓詞夔憲垂曠若啟鹿洞持以勵純修

行將第嘉頌

微臣

職採風司衡勉愼重願言矢卷阿

和鳴聽翹鳳

天蹕莅東南文教肆光被於皇選造術覈實在明試
涵濡餘百年有翹征以彙札從上方頒餐拜大官賜
當道符漢規

臨軒邁唐制匪侈淵雲詞兼陳賈董義

殊榮逮稽古用以戒輦悅更廣弟子員罄天揚士氣
會見紀殊祥日下五雲麗

期門徹行漏列辟來簪裾惟

皇示慈惠象協雲天需鹿茸義無缺魚藻情自如析
波寫仙醴充邊間芳腴稽典洽周禊陳禮掩漢酺於
時永晷麗鮮飈蕩華疏珠旗柳外出瓊釵花間趨樂
飲逮三爵旣醉歡有餘鈞天匪夢聞矧復霑

天厨

作游韃堯紀負暄勤宋氓非徒媚茲切實乃富矣徵
馳道列百戲曼衍不可名華鐙錯寶樹甲煎飛火城
迴舟陳水嬰榮若繁星明幸邀自

天顧曠然非

皇情偕樂協初筮踵事申後庚游心返太素一息戒
持盈

萬幾有餘暇眷茲山水清

金陵古皇州三月回

清蹕列雉圍高城鏤鱗錯修術攝山玉而冠嘉名賁
天筆梯青構虛檐瞰碧表邃室圓景留壑陰層颺遞
林密松杪白雲歸悠然數峯出

皇衷暢遐覽翔泳寫恬逸鳴

鑾勸飭農麥田觀艾鉦從游羣賡歌調薰繼

義瑟

雲漢麗元象昭回自成文

聖作匪匠巧焜煌巍典墳淵衷貫道藝妙契洽智仁

撫化觸天籟曠若鏗韶鈞周情與孔思噓爲大地春
霏霏拂絹素峩峩樹貞珉巖壑積光景日月相摩吞
方當縱筆時碧落煥霞雯缶鳴誰嗣響顏鹵空逡巡
垂天萬里雲時雨行載塗

皇心布大澤兆姓欣來蘇吳越稱大藩實惟財賦區
列聖勤優恤久使百累除先秋穡

王委村無吏人呼豐歉歲所恒俯仰懽有餘緩征德
何屢反令留餘逋豈知如傷念不以惟正紓

輦道之所經新賦遞減輸

天施豈責報報者歌康衢

至人愛日心

文母壽世德块然蒸太和彌綸無轍迹杖朝多大年
皤皤頌平格衣冠一何偉香山畫中客下逮茆簪叟
凍梨盜春色三觀

天子光失喜踊且趯不知

黃屋尊攀轅陳悃悃朱提從騎頒黃纁上方錫區區

祝三多欲將海嶽益

時巡有盛典詩陳賈亦納誰與共斯民良吏古所急
改弦審厥調復貫道非襲六計本以廉三法求必協
若牧鞭視後若農艸刈穰時和坐嘯宜敬事心常愜
不見皇華詩每懷在靡及

天高聽自卑入疆慶稠疊勗爾衆人母孚惠庶能答
奉

慈仁旣施繩

武義方辰肝飾禮華敷殷陳樂英衍羣望遍懷柔神
人慶有戢樹德薄前經紀功軼往典旋

踰觀泰河牲璧陳儀腆徐方會汴泗復接河流西高
隄障孤城極目洪濤卷規畫由

宸衷民居幸完繕奠安慶時康刻玉紀

巡輦

夏諺譜王風

堯階寄行帳崇隆治化敷曼衍流澤邇河洛契已符

云亭功莫尙榮矣兆人心環極衆星向芄芄黍盈疇
九穗獻嘉貺年豐民氣樂

至德所醞釀乾坤發元苞靈奇繪萬狀懋典欽商皇
陳詩傍

天仗

聖駕三巡江浙詩

紀昀

皇帝壬午歲斗柄初回寅

六龍幸吳越三度修

時巡昔禹畫九野茲地徐揚分三江中貫絡淮海區
其垠揚州實沃衍徐土瘠以貧政繁待修舉人瘵勞
撫循所以自古來吏治稱最殷況乃地形下萬派東
南臻秋潮排龕赭洶湧雷霆喧大河亦漸徙蕩潏不
可馴遂令沮洳塲日與蛟螭鄰曼衍數千里捍禦煩
經綸我朝百餘載

列聖司陶鈞屢籌疏淪計已荷

生成恩

皇帝撫六幕宵旰憂黎元區畫萬年策南顧猶頻頻
前在重光歲遠涉吳江濱

斗杓斟元氣散作春風溫疆圉赤奮若

日御行紫雲迢迢牽牛野又得瞻

義輪前後閱十載歌咏遙相聞沿江待

翠華北向籲

九闕

帝曰咨汝衆鑒汝惻愍直繫惟汝望幸民事子實勤

所恐煩父老除道而清塵狩期酌五載虞典義可遵
爰

詔飭

法駕太史練孟春開歲日丙午始浹十二辰

親奉

紫闕輦羽衛嚴勾陳是時風解凍淑氣方溫暉柔荑
黃欲坼宿麥青欲勻東作日以興隊驅烏犍幽冀
青兗徐迢遞長河濬微和天澹沲漸見鶯花繁揚舲

瓜步水南櫂錢塘津烟光二三月彌覺春姿妍山水
交映媚桃柳相新鮮南中佳麗地處處宜盤桓吳歆
舞白苧越曲謳采蓮錫簫雜社鼓夾路迎

至尊豈知

聖主意但以娛

慈顏川途遠洄溯所重惟勤民其一曰河防疏派從
崑崙神魚駕高浪汨汨泥沙渾禹力導爲九故道春
燕湮微茫滄棣野陳迹空討論洪流日南注徑齧清

淮濱金鈴無支祈坐受冰夷吞自從炎漢來水患時
紛紜洩則下流隘壅則橫波奔治河無上策衆說徒
云云因令

唐虞世或有巢窟人惟以萬萬衆仰賴

天心仁

帝曰咨徐方歲歲憂沉淪水性良難測地勢要可因
禹貢紀敷土其要惟隨刊崇伯汨五行乃以息壤壓
鼓瑟戒膠柱止沸當抽薪蓄洩量所受是貴啟閉均

奏牘但梗概未若閱歷親

鑒輿臨指授疏導

詔重臣扁爛岳瀆經貞石高嶙峋決滌魚龍氣蕩滌
清粼粼一勞萬世逸從此安耕耘其一曰海塘湧洞
浮乾坤練光激一綫奮迅爭海門靈胥躍白馬茲事
雖虛言要其澎湃勢未減銀河翻江流更東瀉駭深
相控搏浪花飛百丈島嶼如簸掀長颰或一作往往
爲民患歷朝捍海堰六郡相鈎連後爲渾所梗潮勢

趨北偏於今稱險阨乃在尖塔山歸神從日母誰得
澄其源譬如禦勅敵先在高墉垣外以沙爲郭內以
石爲根沙漲有去留所賴人力存

皇帝軫下國

清蹕紆虹旃河圖操玉版

規畫求萬全實當束長筴增護金隄堅六鼇摺

皇威弭首跼以卷安用婆留弩酣戰蛟鼉鼉走銅磨

海面水落添沙痕佇看鯨人室化我桑麻田

臣聞古

帝堯命禹滌九川荒度付司空高拱居雲軒今頌平
成績猶曰仁如天我

皇軫民瘼不憚川陸艱三度駐

華蓋紫澣黃河間恒以

一人勞謀此萬姓安大矣

天地心化育符陶甄

神謨勒金匱三古超放勛況乃

雙龍御兼有五瑞班南邦計羣吏考績當三年由來

飭官箴黜陟昭大權側得隨冢宰引對近

御筵爰以肆覲儀謁

帝帳殿前敷奏而明試此義虞書傳

翠華入其疆間并

親循觀風謠旣畢采賞罰何須延東南財賦藪戶籍
紛駢闐五方之所聚雜處良與頑剛柔劑寬猛所賴
牧守賢今逢

金輿狩一一詳考詢吏肅民以乂歌頌永不諼且念

江海界趙趙通諸蕃牙旗列巨鎮首尾如率然驍騰
萬壚弩戟軻千樓船卉服奉職貢斥堠銷烽烟武備
防漸弛步伐宜素嫻森嚴開玉帳

親閱驚鵲軍春蒐隸司馬舊典從周官粵從乙亥後
虎旅平堅昆黃圖拓二萬兩道通陽關卽今隨

綵仗猶有降呼韓中途拜

行帳貢馬又大宛靈夔之所震莫不尊

軒轅功成不忘戰復此陳橐韃凡以衛億兆謀保金

旣完億兆拜稽首蓑笠如雲屯載歌時邁頌交上天
保篇仰見

懷保念念我殷痾瘵黔黎苟有賴

巡省無辭煩卽使日供頓寔亦心所歡靈臺與靈沼
荷鉅齊爭先尙愧芹曝獻未足酬

聖君詎知

遊豫意但欲民風淳尺一

紫泥函

天語頻諄諄昇平久殷阜非慮物力殫士女效媚茲
知亦非所慳惟念華侈俗導以樸素敦棟宇斥金碧
檟楠除雕鐫穆然

恭儉化

堯殿惟采椽是以初啟

駕以及

鸞鑣還騎不勞芻茭士不煩壺簞岩堯

黃龍舳綵纜人爭牽迢迢蒲蓼岸翳翳水竹村饒吹

萬乘度不礙沙鷗眠黃蜂及紫蝶亦趁風日暄花放
百草香繞徑飛翩翩卽此太和景民氣固已欣更聞
十行

詔重疊

巽命申春風隨

玉輅甘雨霏油雲去歲河偶漲蛟蜃揚波瀾晉鎌未
及穫秋稼或稍殘屢豐儲待足本不虞播遷飛鴻塵
聖抱猶爲謀粥餽春氣日以動荷耒耕東阡更春官

倉稻一月添饔飧坐待穡麥熟醺酒烹雞豚三壤有
正賦歲儉時蒙蠲其或偶逋負良以催科寬停

鑾召耆艾

問俗經里廛尙恐寒溪水照見催租瘢以次

賜減除

鳳詔銜瓊牋江南連河北日拜

天書宣旁逮斥鹵曲漉白牢盆煎聲聲估客樂亦撥
鷗雞絃春回鼃鼃渚消盡海氣寒

德音俄又下翹立金雞竿膏雨滋黍苗亦不遺茅菅
罪自五流下瑕垢皆許湔花落訟庭靜草長園扉閒
蒼鷹化爲鳩拂羽何翩翩好音偕布穀噫噫桑林邊
別有橫經士夙昔事典墳一朝覲

堯日波暖躍紫鱗竹登會稽箭珠采長淮蟠乃至泮
宮本是處添香芹風行於地上爰叶利用賓偉哉

大觀化稽古崇斯文應知過東魯數仞登杏壇寔惟
聖契聖前後本同原茲行凡四月來往途八千去程

聞早雁歸路鳴新蟬豈不愛清暇

垂拱調南薰永懷無逸訓

錫福敷羣倫用是閭巷衆以逮於搢紳喜氣徹絳霄
融冶交氤氲結爲雲五色紉纓垂輪囷有叟捧

賜帛稽首前迎

鑾曾覩

仁皇帝六度

臨江千萬年

家法在

聖祖貽

神孫煌煌

巡狩典烏奕輝瑤編憶昨日南至

璇殿獻

壽樽三元六甲子七始開其端

南山地絡輦北斗天漿醇筭疇斂五福

敷錫霑芸芸陽和迎綈幕

恩綽降

紫宸

詔書行萬里

愷澤彌垓垓迄今甫半載又沐

雨露新蒼生一何幸

茂典逢聯駢康衢詠

聖化歌舞盈人寰延洪祝

曼壽萬度璣衡旋

皇風流穆穆

介祉承縣縣洵哉

靡鴻治高邁黃與顓

小臣荷

天渥珥筆登花磚玉燭仰

道光寸管窺大圓願諧肆夏詩永永諸宮懸

聖駕四巡江浙詩

戴第元

含元膺蘿圖紫庭叶上瑞晷緯齊三階馬龍乘六位
斗運瀛壖環津覃朔南暨永凝

配極尊曰展

時巡義登慶滿大千宣愷煩再四憲

天道則崇法

祖福尤備時司太皞辰律紀旃蒙歲旭旦璚輪馳昨夜星橋麗

黃屋旌仍綏赤縣鼓徐記

令行吳越邦

恩先畿輔地督亢寔膏腴修條始塗暨郊垌衍神皇

結璣符元締

錫以通淥名浩如廣川會層軒

寶翰懸大府金鑲

賜庶幾含葆光而均霑樂利瀛洲亭以南日觀峯斯
歸松柏雨風靈壇壝神祇侍

釐增福壽康

功超七十二渤澥澶漫迴河沂隱麟繫視公亦視侯
如帶者如礪德水布榮光靈源接休氣鼈足撐槎枒

魚圖橫鱗鳳上策運

珠囊重經邀

翠蹕鳳舸截流過龍旂移晷濟桃花息鯨喧竹箭安
雷沸清浦樹連淮洪湖源溯泗木龍泥蟠爪金牛土

繡鼻言

御安福艦不假金吾衛秦郵挹珠光蜀阜繁歌吹飛
樓競獸矯杰閣凌鳥次紛藻布蓮披肆虬奔鶴跂沓
勢復分規殊形而異致靄靄艷陽春皞皞昇平世藻

川文物陳動野聲明賁林開揚子江山橫潤州治大
聲轉地維高浪蹴天際旌旆矗飛揚荆楚趨形勢遙
擷具區烟俯瞰中流霽衆水滙朝宗萬派歸

宸思東坡玉帶圖北固金山寺妙高雲鶴翔出沒魚
龍戲神闕鬱孤停仙官函清寄點竄焦蘇詩輝鉅纘
鳳字翦渡若揚鑣張帆如縱轡京峴吸而迎城霞聳
然遲海樓望海明春塢藏春蔚玉琬陽丹髣金絡乘
綠驥鞭揚鐵甕城花逢羽林騎研山轉周遭西園斥

呵避遵陸錦鼓移維舟水籤遞一葦練湖南二臣步
涯企鄒枚侍從才沈錢風流繼老矣泉石隣都哉魚
水契念舊卹儒臣晉階頒

聖製豈惟耄耄榮足使烝髦勵寄暢詩筆神佳名水
泉慧暗竇旣澄澄明亭亦泌泌方圓接磴分冰雪乘
巖漬松庵娛

睿情竹鑪聊小試疊詠王紱圖非耽陸羽嗜遙攬花
山花供此憩亭憩屹屹崇金閭戎戎列闌闌獅林層

嶂開虎阜巖簞細五言坡仙吟四述

神堯志念此甲東南最爲兼賦稅維風祛繁縟養民
煩酌劑凝懷堂有延舍暉館無翳遇友貌支公探梅
逢鄧尉穹窿訪古初楞伽尋幽旣三三擁靈踪一一
餘禪味寄題拈花人共叅聽雪諦樾榭俯臨湖滄浪
徐鼓枻是時文杏花畧如緋桃媚上箔蠶三眠散絲
雨交織頗望鵲聲杳差便虎趺飼封章日駟來京畿
雲行施生穀破稻芽膏苗抽麥穗陰晴地利殊遐邇

天懷遂帆指就李鄉棹停由拳司元璚樓頭烟范蠡
湖邊砵石鼎重聯吟金甌寵大吏

軫念淞西東疇咨海興廢跋馬石門朝驥龍金粟詣
雉堞曾隄維井閭橫塘蔽尖山塔山臨澈浦乍浦逮
小甕迴汎殘巨壑衝波替安瀾居安居觀潮大觀大
五雲會鳴鸞六橋甫修禊雨泛柳拖裙晴遊草鋪罽
白李蘇林賢廣長清淨偈幽探龍井偏景曳猿臺遂
繫韻玉瑞石劇圓葭澀菱

萬安南屏朝豐樂東戶被舊渚遵紆迴平江泛清懿
僧紹攝烟霞彥倫富鹽豉朝陟最高峯夕遊九曲埭
濠濮禽魚親山城龍虎對巨艦駕奔厖連艘排次第
仍品中冷泉再縱平山睇臨淮復逾河入徐方過沛
葆斗日昭回蓬壺雲霧霽舊典厥煊爛新

恩丕汪濊或賜溢常經或免逾定制或增而階勲或
拔而幽滯或養秀眉耆或恤卹髮穉或夏及秋空或
瑜不瑕棄榮或賁

絲綸賞或給錢幣大或奠河壩神或安海瀝軒轅豈
惟民遊豫無非事道泰觀

禮成萬禩祥源彙

聖駕四巡江浙詩

謹序

程晉芳

臣聞古之帝王以春風風人以夏雨雨人必躬
臨而親布之斯天地順動皆以如其豫然經書
所載協時同律修禮如器而外史莫得而詳焉

皇上法

祖勤民四幸江浙敦孝上農翁河莫海

恩澤所暨不可殫記於古未之有也竊謂宜載風詩
述休美傳示於來茲顧自問謏劣不足任揚
之職然鷓鴣之鳴勿能輟也輒敬成五言詩一
篇凡百二十韻以攄鄉里感激之忱其詞曰
上之三十年海寓治平久風恬俗大和韶石頻擊扣
欣欣朱草榮濯濯白麟走以無迂無乖潛動愜樞紐
顧惟

聖人懷未敢謂康阜將親循閭閻疾苦問黔首維南
江與浙殷賑財賦數其壤足膏腴其星貫牛斗河海
所環滙民物號蕃障曩者疊

巡遊瀾浪教扞擷於今越三春工役經督糾新略維
永圖舊規將驗取况聞置吏告望

幸徧孺叟山川及草木待

澤繁恐後下以慰蒸黎上以娛

聖母先時

詔大府儲侍頒所有毋費民粟絲違則子汝咎燕趙
齊魯區租減所經部供頓勿侈靡肆設勿繁紕時惟
上元過燈市收霧凇草漸萌纖纖寒欲盡九九敬奉
大安興祥烟紛颼颼葩瑤鬱崢嶸蚪旌翩蠕蠕虎旅
佩長弓龍驤環短櫓

皇曰戒呵蹕毋驚彼童婦將以達耳目豈僅蔽纈駐
歡聲殷地起戶戶擁箕帚宿埃奉掃除名香交引綸
自北屈東南聯袂接跟肘望見

翠華來載舞額加手

皇乃渡黃流奠鼓酹雙白晴霞繞雲鉞霽日開天部
皇乃涉大江嵐翠飛巖樓檣爲赤鳥迅舟見黃龍負
維海趨浙隅厥勢建瓴陡虹洞雜砢泮崖岸遭擊招
鄉俾增虹隄外鍵內鎖鉅茲來覩隄成編石瑩文琇
潮頭駕輕車白馬趨趨趣火輪恣淘汰雪島與浸濠
驅龜駕蛟鼉旗旆交雜糅勢侔鶴蓋騫音儼鯨鐘吼
天子曰俞哉工作嘉某某侯不廣築之邊幅擴隩度

袤延四百丈腰膂束鞆輒水形擬伏雌土德佐乘牡
維河翕黃淮徐豫形叅耦三分濟轉運於義匪駢緡
其勢虞汎溢比屋憂隘湫取清刷濁流脉絡辨縹緲
又多爲引河別派散溝瀆雲龍古名山懸約當水口
多年議䟽閉如痼起針灸迄茲底厥成善後策重刊
樵農安於野士賈恬於牖茲事體最大永永垂不朽
乃黜陟羣吏治績辨好醜乃諏探風俗寒暑孰咨愆
乃校習大師行列紛騰駟羽葆鼓鏘鳴鼙弧旗指旆

乃練水上軍弋獵陳繳留往來雖奮迅整妮寓靜助
鵝鶻鸛鷗鰭鯉魴鱖族舉有飛毛疊中必連鴈
清暇爰

豫遊

雅藻披瓊玖記事續卿媛垂文敵蚪蚪江村二三月
烟澹籠風柳未耜起畦町桑麻映雞狗有峰秀嫵媚
有水駛清瀏綠箭筍承筐銀刀魚上筍塞林摘翠蕞
汲井澆紅藕花底喚餽簫雨前擣茶臼

皇情軫餘悅色笑承

母后娓娓問安情鱗鱗賞春酒尙念此南民被澤知
竟否積逋固已豁視地力齊醜全浙五年租丁竈借
錢糗

特詔悉免旃諄復告官守實惠務沾濡羣情益欣慤
拏舟皆健卒狎水輕夔牯日給增羨錢胥餐飫陳醲
彼花面雕題仡仡復赳赳新銜隨鷺班故迹掃魑瓜
險竿試繩索夷樂和矇眊

賚以繒滿笥

頒之醕盈鑰白頭兩尙書生幸遭逢偶居塾稱國老
聯社得詩友乙科逮子孫官秩加組綬同時

錫以恩咸以篤故舊

叶

嶽嶽名臣祠牲炙薦芹茹岩

岩勝國陵蕭蒨敬燔焯赤仄徧貧流朱提逮胡耆多
士獻長楊作人咏蒸標鎖試授厥職慎擇匪輕苟憫
彼輕罪囚赭衣荷桁桎維新布

德音革心毋習狃於時閭春仲遲景媚華凋

恩波與俱延若露浥蘭草大哉

聖人德布澤成化誘至哉

聖人恩剔瑕去癥垢溯

初巡

再巡自辛未丁丑洎

三巡

四巡越壬午乙酉十五年

殊恩絡繹載簡筭

曠典舉必周成列推逾厚陽和所敷布纖息追蝨蟲
鷹眼化慈鳩葱本變時韭潛鱗不損鱗苞竹不生箴
何以答

慈衷士習除稂莠何以兆嘉祥農作長黍稷何以驗
淳風民物罕疾疴何以覩

雅化屢井絕謨維

聖母萬年維

天子萬壽嘖嘖日月光藹藹松柏茂

叶

歲歲此

巡方甘澍灑田畝

微臣

叨異數幸不棄淺鰥名忝被

省末門對蘭臺右轉頭語鄉人

遲澤慚私受稱詩誠俚屑戴

德慕漸滌江海納細流官角取瓦缶聊補擊壤歌用
備採軒轡

平定兩金川詩

謹序

竇光鼐

臣

光鼐稽首頓首言

臣

伏見

皇帝陛下天運神斷致討兩金川五年之內殲險除

梗肆靖蕃徼

勒功美諾勒烏圍噶喇依

告成太學

駿業

鴻文巍煥莫并

臣

伏惟自古帝王功業之成必有詩

歌商周雅頌皆經宣聖刪述著爲經訓唐憲宗

翦除藩叛其臣韓愈則有元和聖德詩平淮西

碑柳宗元則有皇武方城雅撰述功績皆稱能

事至五言始於漢魏由來作者多尙簡韻唐杜甫乃爲長篇紀事古人稱爲詩史韓愈因之其辭雄奇怪偉較轢古今而紀功之什獨不槩見
臣嘗伏讀

御製西師詩指事屬辭詳犁顛末以史爲詩而郁煥鏗鏘聲諧韶武善盡美具生民以來實所未有
臣每吟誦舞蹈不能自己輒忘陋劣妄擬形容
謹依

御製碑銘所紀作五言古詩一篇咏歌用師之艱難
且欲以推明

聖人不得已之心昭示來者垂爲金鑑述事求詳遂
積至二千言狂不知裁徒增慚汗

天討兩金川辛卯歲初役既事丙申春二月肅翼日
叶露布迅飛翰玃來未旬厯

皇帝上

陵還歡呀闐畿陌臣乘趨東郊忭蹈陪芾曷展采方

告功彝章隆率昔乾坤鋪鴻藻灼爍快良覲仰維

聖功勞幾載勤指畫紀述思雅頌巴渝竊多惠義娥

揚景光圖繪固難悉叶溯自殷周盛羌氏來不隔亦

越漢西南夷種雜邛僰在唐吐蕃驕餘孽遲殄熄歷

代羈化外由來示勿絕叶洎乎我

朝初近徼土司置叶差鱗傍桃關犬牙錯疆場趨拉

與促浸小大自區異叶趨拉性不常促浸尤剽賊其

人習角鬬其俗尙巫覡岷峨蟠地絡秀頌別支脉陰

岑疊穹霄連天集鋒戟林篁蔽高深黝儵氛霧積溢
流中宛轉經巖遞洶濤禹乘徧隨刊偶然遺嵌隙因
緣營峻巢鷺鳥困騫翮羣居友獬鹿侶遊竄鼯鼯往
者從師征嘗曾受符檄宣尉假頭銜

恩許世其職詎意莎羅奔恃險志蠶食遂與小金川
勃諍構訟閱頗類猿王孫異居而斷齕

皇帝歲戊辰聲討罰旣釋

湯網恢廣野謂宜心面革不思並生育而復辜

大德野性譬貪狼獾也寔生獠有蠢僧格桑鄂什肆
轡轆守吏逞理論所以明順逆諄誨至再三亦未辭
屢迪旣乃抗顏行

大師爰致詰

叶

義爰戒否臧悞躁義均斥奮武僧格

宗至節歲元默萃鴟聞弦驚瞋鯢見綸避

叶

長驅擣

空虛逆父早見獲首禍猶稽誅追逋藪應剔如何索
諾木公然爲羽翼蓋茲二逆酋同惡連肘腋緩則觸
蠻爭急則唇齒借相倚駉與蛩相狃虺與蜮頗有假

足走毒甚含沙射伏莽美卧與么膺豈强敵魯雞之

不期蜀雞伺其殆

叶

追思木果木義憤填胸臆是時

臣

阿桂當噶整師出

叶

特詔授將軍仗鉞總戎律

叶

佐以邦之良方召各因

利

叶

重簡健銳營三千心惟一

叶

暨吉林索倫皆足

一當百綠營更掄豪裳甲鬱怒激一鼓振

天聲美諾重盪滌甲春取谷噶馬尼分道入

叶

宜喜

旣欽巖絨布亦崩劣兩路小頓兵猶阻攻所備

叶

將

軍握中權束馬度羅博

叶

朔首寨如林騰凌縱揮霍

叶

比臨遜克宗却疑室間闕攢戈列重局相持一經

歲

叶

稍西乘喇穆丁口披日則次第收木城背緊提

默格旣又奪康薩木思工噶克進據噶爾丹地控萬

山脊譬如振衣襟先已挈要襪時乙未夏五其日露

晝塞官軍猝乘怠纔此後戶闢噉鋒試前矛乃復剽

昆色衝颼兼夜動千炬燭林黑宜喜軍亦進別隊助

爬櫛

叶

日旁無留行聲援夾河北勒圍舊官寨經樓

峙近側其勢若輔車槎枒相扶掖帶河爲高垣五疊
蓋穹石類形差況蟹利螯護郭索將軍出奇計於中
教拏柵韓囊礪沙擁楚泗津梁失叶飛礮日相屬九
火宵更擲蛟龍地底奮旬礪連巖圻麾軍斫牆闌亂
麻積屍骼傾巢無復完駢獸唯假息是時秋氣中皓
月如圓璧七校同一聲摧拉聽永夕吉音遞
行在

天顏爲一憚破竹勢未竟操刀寧不割叶西里踰建

瓴所至任鞭礮索隆只斷梗雍中俄枯枿叶直抵噶

喇依實爲彼狡窟叶其內聚羣醜鯨鯢茲一壑叶將

軍軍寨下冬十有二月叶籠山架樓櫓如烹設鼎脯

北軍入獨松亦相爲犄角叶河西掃除盡遂與大軍

合叶絨布守旣久聞聲膽乍落叶乘以定馬邦忽如

下槁葉叶偕來會重圍張罟絕飛躍叶四面火器攻

環墉摧霹靂巖崖雖刮耳夔魑已褫魄巨刃摩參旗

不日斧其喘先是僧格桑盈貫致天殛促浸方見窘

馘獻以醜來

叶

至是技已窮臂指次離析逆屬知不

保出降垂涕泣

叶

然猶自枝拄及春再越朔

叶

番衆

大搶攘竟夜聞嘯嘖詰朝索諾木捧符率黨惡

叶

弟

兄洎頭人稽顙行匍匐其屬衆二千哀號同命乞

叶

我師謹以踴罪人乃斯得駢首比貫魚一一用徽纆

俘魁獻

闕下以車來繹繹紅旗喜再至

頒杏逮傳驛翻思建議初此談何容易

叶

方當師之

入跬步澀如棘直前或斷陁旁晚又絕壁局身緣鳥
道進寸退逾尺阻以礪門重百千滿雲直石城隱堂
隍木卡密絲織力鑿獲一勝疑謂功可卽比厯谿谷
轉愈覺天地窄五丁窘施鑿六壬難祛惑卧每愁墮
鵑行或逐走獬泔泔雨徑滑峨峨雪嶠白凍結成垠
堦冰漸稍漸漉漉臂時怒張山鬼紛睽睽守之動旬
月眠間纔一擊有時學猱升或亦作駁驀或亦如猱
裘埃垢尋褶襞髑髏時復臨斤斧奮劃擘嶠常據

貧困仍防鹿躑凡師無常形利鈍分主客我客彼爲

主舉足得跼蹐徐而與之靡時乃盡曲折

叶

皇帝宰神功定謀成在必

叶

按圖瞭聚米奇正用各

適蟻珠穿九曲靈掌縱遠蹠歷險如齒牙時至以次

脫

叶

又如伐山木斷斬逐枝節

叶

終然拔本根陰崖

忽顛踣虎臣奮智勇

皇幄祕籌策西顧

軫弓刀當食忘中景饋餉出

內帑多矣七百億要取定亂昧資奉固不惜王道貴
執中用之如善奕應變非一局從時乃合契

叶

虞干與殷武亦各垂聖籍億我

聖祖時屢討厄魯特

憲皇繼舉事師勝事遂輟

叶

皇帝復西征揚稜光

前列

叶

因之平回部天方均在席前歲伊綿峪傳

覲渥巴錫卽今屯耕遍豐稷同西極周京圖王會何

嘗遺遐邇矧茲地藁爾乃我近邦域不聞藩籬內育
容狂獠咋有茅茁弗治蔓將蕪區宅萌芽背太陽其
生詎能殖福善禍凶淫

天道洵可識

特命設巨鎮用以化頑黠

叶

諸番慶安堵曰余莫毒

螫開屯土皆毛一視均孺赤

敷言記崇勲其地各銘勒書實

告太學

鴻烈重撰刻前後兩大功皆以五年畢

叶

一則窮極

遠疆里二萬涉

叶

一則平絕險艱難較又劇是皆

神武運於古無倫比

叶

聖人有不居惻焉念羣力鑒佑歸

上蒼撝謙宜多益

軒鼎緬光靈弓劍歆奏假

叶

聖里仍釋奠因高

岱禮敕

詔於國之西勞師豫涓吉

叶

酬庸崇上公

殊錫章服物

叶

頒爵差五等珪組紛舄奕綸閣賁

賜翎錦市移

賚帛

擢錄及微勞

褒恤優陣沒

叶

耕氓亟

賜復全半與酌別

叶

耄耆加惠養瑕垢盪一切

叶

輦路第嘉頌髦士廣芑械中衢尊已同九野喜旣溢

叶我師還振旅維時正登麥津門方移

仗郊臺卽奉

蹕

叶

寵覲歡解甲

錫宴榮飲至

叶

鳴鐃

親製曲非唯紀成績揚休告

廟

社兼用勵夕惕

紫閣增肖像臚贊輝

御墨歸善本

慈懿

鴻號奉

寶冊

寧以禋五福

豫以同萬國慶雲捧

丹詔鴻溶布

渥澤至健有常行中陽豈管測

帝命謹畏敬民依重稼穡

容牧允柔能計吏黜哀尅

大治鼓洪鑪簫勺鎔澆慝從今億萬年永永歌偃伯

平定兩金川詩

劉種芝

皇帝御天下光宅纘

謨烈東西朔南暨幬覆悉寧謐蠢茲兩金川薊薊

鬪穴苞維井絡外磐互界迷涅九氏各雄長服屬
印紱首禍僧格桑負固謀斂竊蠶食綽斯甲藉端肆
陵訐梭磨附丹壩構亂始刦奪促浸締婚援郎卡腹
遺孽侑我閭閻

恩招誘逞陰譎尤與鄂什仇連兵互侵軼邊臣示明
威檄書重責詰始猶貌恭順繼乃語驕黠

皇衷務寬大遐荒益勤恤其或敢怙亂燎原勢必遏
傾者我覆之矧乃天之抗遲迴未興師所省機在括

逆酋更狂噬生成甘棄絕妖言興維州包藏禍蒙密
進據革布咱明正驟出沒扇其虵豕類動卽抗車轍
皇帝赫然怒申

詔議撻伐兇渠惡貫盈予其龔

天罰偏師破巴郎門戶洞砮乘勝薄達圍資哩坐
雕鍛其南自達烏蜂屯忽驚怛殲之美諾營一戰遂
夷拔留屯發金符安集馳木札傳定大板昭徑駐底
木達狡童計脫身縛其父昏耄橐街懸郅支覲賄

車骨卯冬、厯辰已、僭拉平速、訖移師討拒

命黨惡必禽滅、頓軍昔嶺前萬丈阻、截嶢峩峩冰、
峯糅以太古雪、陰厓生晝寒、采入頗沮、關

籌邊仰

睿謨制勝理明、決封章

示機宜、易將整師、律阿桂授定西斗大印、百鑑叅贊、
昇親臣左提而右挈、吉林鏖英英、索倫勇、仡仡羽林、
集曠騎七萃、重簡帥皇哉、我武揚、練日賦、車出、碎輶

激震霆一掃千羆獬先驅未旬餘捷奏屢飛驛甲午
歲之春三方分道發明亮克馬尼摧堅力排札木谿
抵絨布聯戰突前偃仰面身如懸側身耳猶刮又聞
宜喜軍有異制梃撻螳臂攫猱鬪羊腸遍峻滑曉天
青芙蕖終朝費弦筈將軍自西入整暇靜全埽旌旗
翻長空萬里風送疾戈鋌提茶雲驚若雷電掣賊聚
遜克宗犄角利牽綴列寨儼布基塹守無滲泄謀言
喇穆西峯形斷如珙灌莽蔽崇岡堵禦或稍缺我軍

暗抵熾鼓勇氣哮勃先登拔卽籠奪隘陡懸繡攀援
踞其巔下瞰賊曲折賊疑從天來膽落恫虛喝願言
率所部搏頽窮屈膝盡獻我逋逃歛門望求活其計
欲緩師奸謀實洞悉時維四十年玉衡標指乙諸將
期集勲督戰日益切明亮善火攻鬱攸縱神術阻險
憤逾年蓄銳喜積月衝颶捲颶颶毒煙漲歛歛夜半
薄賊營朱焰白鏑慄平明計焚巢百里半焦裂纔踰
額爾替沿緣波涵沕漸覘大軍至夾岸聲息徹分兵

掃積氛腹背益蕩刷左右射生手試我技懸蝨腰間
抽大黃一發輒顛跌昆色爾山梁蹴踏隕蟬噪千尋
轉經樓賊窮號木佛斬關納我衆層層破扇繡經床
付劫灰瘴雨洗瓶鉢遙望勒烏圍沃野聯吟嘷揮鞭
走平原蕎花晴撲凸士飽馬欲騰一日萬馳突中秋
月如晝將軍命整列拱稽迸振鐸簫鼓暮填咽長驅
入其城讌凱暫憩息紅旗馳

山莊計日未逾八和門晨送

喜千廬玉摩裊中外共一家八荒在階闥

宸衷有默契助順

天可必卽觀蜀東西頻年告豐佚濯錦市倚江揚珠
田擁竭船粟下夔巫陳陳汎吳越師行無驛騷耕農
尙蒲襪土姓被塲黷水火幸全脫幪布與寶錢佐以
旄牛脰斑蘭具壺漿鞠踞納藁秸館穀已兼旬躡聲
賊勿失將軍有成謀攻心握奇訣袖圖諳險隘裝齎
束銜繼仍前布兩旐振旅並授子首尅黃草坪西里

逆批捩科布索隆古其取若廻撥雍中倒剎竿舍齊
驅像設建餽據穹窿截竹快振擎明亮自河西擣虛
走狂獮鼓行出獨松惡流聚漂沫木罌涉幽繆皮船
乘瑟颶絨布所駐軍鑿石更穿掘殷天聲礮礮發木
焰爍燁席捲趨馬邦諸軍合爲一長圍噶喇依賊計
尙堅閉枝梧冬逾春內訌咸吠怪踰垣出母妻叩壘
遣昆姪綴纒就檻車一一械送

闕

帝乃詔諸將賊破其止殺惟此索諾木數罪難擢
將軍生得之用以彰鉞鉞阿桂首承

詔周陞布羅尉陸勿竄磨廬深或斷魚鼈梯衝舞鴻
網蘭石落硨磲銅丸曉破山飛礮洞九節潰爛咸不
支縋幽匿土室譟言以死守外強中庀劣徘徊戀其
生相顧嗟泣噉百計無一全面縛出倉猝纓組繫于
羣版圖入九截將軍作露布告功二月吉

皇帝謁

橋陵牡玉備純潔大愷迪

前寧

神武欽紹述

帝念我將士百戰力劬勩堅礪冠層崖石卡綴危崑
重壕限超距叢箐密刺剝肉薄引騰拏徒行資捷控
闔弦猿猱號淬刃鵠鵠血

帝念我將士五載勤翦剌絙闔非一嵎校聯亘三野
厥角衆睢盱不毛土鬱屈奇正合謀猷經權運儲蓄

衆志堅如城克剪此苞葉視昔回部平難易罔區別
橋門紀豐碑昭回炳

天筆讓善介

慈禧

寶錄晉隆郅

時巡登岱宗告類祀咸秩石礪展壇儀金絲譜樂闋
迴

車駐近郊崇臺高岌樂銑吹協螺鳴綢杠樹旗物宴

勞歌采薇橐鞬列黼鞞跪飲金屈卮起瞻玉琫珌
鳳樓親受俘冠裳擁

清蹕非烟繞廣煴卿雲散瓊商犀渠脫戎衣龍章明
藻綵五等胙纁就六飛嫺錦埒雲臺列畫圖丹青偉
儀質

帝曰咨爾桂汝惟作予弼壯猷贊密勿

化澤被眎頌小臣職鉛槧作詩紀端末頌

皇帝功德高與日月揭

皇上七旬萬壽恭紀

朱筠

龍飛甲子周上章攝提格普天慶

延洪億兆歡

賜釀今四十五年元氣益礚礚五行

時邁典四執飲至爵

成功何巍巍

文思甄灝噩虞歌稱鷁縵周頌美桓勺

七十載權輿三萬里疆索星辰旣增麗寰宇覺全拓

純懿難覩縷

盛烈庶揚擢格

宵升柴皋衍

祖萃祐祐篤近遐不遺詳內外已擴生民溯漆沮
田載芟柞五器秩有庸九鼎懲不若玉門山重天
翠徑畧豹厥角倂名王其南蕩城郭大宛馬如龍
闐壁抵鵲尉候極大蒙耕屯開洛澤直窮積石源
宿沸湛灤

兩朝告卣鬯八簋掃格澤蠶惟西南酋小醜號索蠶
屢蒙

曠蕩恩顧不自覲作箐碣阻幽昧蠶尾肆毒蠹

帝行赫威稜再舉授雄鍰火荼揚旌旆礮石間金繒
窮原翮離披窘谷爪搏攫徒煩丈二組累累就束縛
執馘獻

廟社偃伯靖邛笮

聖人坐明堂四遠悉周度

謨文校篇籍

神武握魁杓書傳數千載寶氣復騰燥準茲博四庫
遠軼漢七略書目擴紹興大典採永樂羣雅直

殿隅

秘館拓門鑰賈鄭經訓詁班劉史筆削戴憑席重重
周舍言諤諤自有著錄來至此稱極博文繁意搜討
義隱窮蕪焦噓哉羣論疑仰識

宸見焯一經

聖人定精義判糟粕如水滙渤瀾如山表嵩霍一百
六韻全字字鏗韶濩上揚

祖德敦中見

睿謨廓七十二紀候言言夏鐘鐸天時旣昭晰物理
辨蛭虺

聖學重離新窺管但驚嬰洪惟庚子歲元春肇葭龠
先開甲乙科普免壤賦錯卿雲幕

三殿瑞雪彌霄霏順陽布

鴻慈恤隱求微瘼

覃恩賁簪紱逋租豁耕鑿禋望通盼蠶祝幣徧芴寔
期頤禮有加耄耄

賚亦各表里發幽蔭園橋釋芒屨

熙朝樹雞竿

仁網甦渠蟹

德音二十條九天聆鳳鶴禮成復

錫譙金疊霑醇醑百爾肅拜稽鈞奏萬舞作上辛

祈玉粒吉日

駕蒼駉協風先近甸春臺鼓和橐

天樞指南斗

日御經雄莫積靈覬西山太行分葩萼所過青兗徐
物土勸錢鏐

行宮環匡衛楊柳匝坻鄂千屯聞無聲萬騎閑不躍
隋

輿拜

賜復康衢聽歌嘯周封志川藪禹貢首河洛屬當堤
防潰未易道疏淪上流漫儀封下勢逮潁亳

帝來虔默禱中濟沉穀珞爲我靈瀆靜成民神有托
天心應呼噏河口壅一鑊

疇咨善後宜貸種俟田涸黔黎喜奠居市酒快酬酢
東南古揚州惟海爲大壑朝宗效休順祀典著於懋
塘功

帝深念

詔易以石碣千椿壓鰲首萬礎排雁脚民生富魚鹽
水族帖蛟鰐允猶河海安一渠

宁依著三吳蔓花海兩浙做春幕紅纓綴深房碧刺
腎叢薄成蹊艷桃李闢館種芍葯草木榮繇條暘雨
宜津爚澤國

澤尤醲投醪欣渥渌水軍練鵝鸛山閱捷熊攬

宸心切桑麻

帝省眷耆弱

敕爾守土吏一切崇儉約蒿官古所美無事侈丹墀
官箴更垂

訓直枉視渠獲

南巡典旣竣

北至禮尤恪凡在宙合間

大德所綿絡迎祥導時和霖潤無熯熯翹占南極朝
正及秋稼穫舞儀躋

山莊獻賦集館閣鵬耆來日域蓮貝讚西膜雉膏彰

鏗斟蘭醴軒轅酌丹符啟

曼壽金鏡朗碧落抗掌承露灑周髀張弓彊八千歲
蕃椿億萬齡傾藿

皇釐仰

升恒臣頌愧螢爝